

PWYLLGOR PENSIYNAU 12-06-25

Presenoldeb:

Cynghorwyr: Goronwy Edwards (Cyngor Sir Bwrdeistrefol Conwy), Medwyn Hughes, Iwan Huws, John Pughe Roberts, Ioan Thomas a Robin Williams (Cyngor Sir Ynys Môn)

Swyddogion:

Dewi Morgan (Pennaeth Cyllid), Ffion Madog Evans (Pennaeth Cyllid Cynorthwyol - Cyfrifeg a Phensiynau), Delyth Jones-Thomas (Rheolwr Buddsoddi), Meirion Jones (Rheolwr Pensiynau) a Lowri Haf Evans (Swyddog Gwasanaethau Democratiaeth)

1. ETHOL CADEIRYDD

Penderfynwyd ail ethol y Cynghorydd Elin Hywel yn Gadeirydd y Pwyllgor hwn ar gyfer 2025/26

2. ETHOL IS-GADEIRYDD

Penderfynwyd ethol y Cynghorydd John Pughe Roberts yn Is-gadeirydd y Pwyllgor hwn ar gyfer 2025/26

3. YMDDIHEURIADAU

Derbyniwyd ymddiheuriadau gan y Cyng Stephen Churchman, Cyng John Brynmor Hughes a'r Cyng Elin Hywel

4. DATGAN BUDDIANT PERSONOL

Dim i'w nodi

5. MATERION BRYN

Dim i'w nodi

6. COFNODION

Bu i'r Cadeirydd dderbyn cofnodion y cyfarfod a gynhaliwyd ar 17 Mawrth 2025 fel rhai cywir.

7. CYNLLUN BUSNES PARTNERIAETH PENSIWN CYMRU (PPC)

Cyflwynwyd adroddiad gan y Rheolwr Buddsoddi yn gofyn i'r Pwyllgor gymeradwyo Cynllun Busnes diwygiedig Partneriaeth Pensiwn Cymru. Adroddwyd bod y Cynllun Busnes wedi cael ei gymeradwyo gan y Cydbwyllgor Llywodraethu ym mis Mawrth 2025, ond bellach wedi ei addasu i amlygu costau dylunio a galluogi Prosiect Wyddfa, ble derbyniwyd cymeradwyaeth yn ei gyfarfod 4ydd o Fehefin 2025. Ategwyd y bydd y Cynllun angen derbyn cymeradwyaeth gan y Pwyllgorau unigol o fewn y Bartneriaeth.

Nodwyd bod y Bartneriaeth yn creu Cynllun Busnes yn flynyddol am gyfnod o dair blynedd a'r prif bwrpas yw:

- Esbonio cefndir a strwythur llywodraethu
- Amlinellu'r blaenoriaethu ac amcanion dros y tair blynedd nesaf
- Cyflwyno polisiau a chynlluniau'r Bartneriaeth
- Amlinellu'r gyllideb ariannol
- Crynhoi buddsoddiad ac amcanion perfformiad PPC

Diolchwyd am yr adroddiad

Cynigiwyd ac eiliwyd cymeradwyo'r Cynllun Busnes

PENDERFYNWYD

Cymeradwyo Cynllun Busnes Diwygiedig Partneriaeth Pensiwn Cymru 2025 – 2028

8. CPLIL: 'ADDAS I'R DYFODOL' - CYFLWYNIAD PPC I'R LLYWODRAETH

Cyflwynwyd adroddiad ar y cyd gan y Pennaeth Cyllid a'r Rheolwr Buddsoddi

Atgoffwyd yr Aelodau, yn unol â gofynion 'Ymgynghoriad Addas i'r Dyfodol' a lansiwyd ym mis Tachwedd 2024, bod gwahoddiad i'r wyth pwl CPLIL a sefydlwyd yn genedlaethol gyflwyno achos busnes yn amlinellu sut y buasent yn cwrdd â meini prawf angenrheidiol y Llywodraeth. Nodwyd bod y Llywodraeth wedi amlinellu ystod o gynigion i gryfhau'r gwaith o reoli buddsoddiadau CPLIL mewn tri maes allweddol oedd yn cynnwys diwygio cronfeydd asedau'r CPLIL, hybu buddsoddiad y CPLIL mewn ardaloedd lleol a rhanbarthau yn y DU, a chryfhau llywodraethiant Awdurdodau Gweinyddu y CPLIL a chronfeydd y CPLIL.

Yn ystod yr ymgynghoriad codwyd y cwestiwn sylfaenol, a fyddai PPC yntau yn ystyried sefydlu cwmni annibynnol ynteu yn uno â CPLIL arall yn Lloegr. Adroddwyd bod PPC wedi dod i'r casgliad mai'r hyn fyddai orau i'r holl randdeiliaid uniongyrchol ac ehangach yng Nghymru oedd mynd ymlaen i adeiladu ei IMCo. ei hun a chadw ei annibyniaeth fel pŵl gyda phob un o'r 8 CPLIL yng Nghymru fel yr unig randdeiliaid a chleientiaid.

Cyflwynwyd achos busnes PCC i'r Llywodraeth yn Chwefror 2025 ac ym mis Ebrill 2025, derbyniwyd y newyddion calonogol bod y Llywodraeth wedi cymeradwyo achos busnes PPC, gyda swyddogion y Llywodraeth yn gofyn i'r PPC barhau i weithredu ei gynlluniau a pharhau i hysbysu'r llywodraeth o'r cynnydd. Nodwyd nad oedd 2 bŵl yn Lloegr, Brunel ac ACCESS, yn llwyddiannus wrth gyflwyno eu hachos busnes a'r AG sylfaenol bellach wedi'u gwahodd i geisio ymuno â phŵl arall.

Ategwyd er mwyn bodloni dyddiadau cau heriol y Llywodraeth, bydd angen cyflwyno cais yr Awdurdod Ymddygiad Ariannol (FCA) i sefydlu IM Co PPC yn fuan. Nodwyd bod gofynion yr FCA yn nodi bod yr endid sy'n gwneud cais am awdurdod (h.y. IMCo. PPC) yn gorfod cael ei ymgorffori cyn cyflwyno'r cais FCA a bod yn rhaid i ddeiliaid rhai swyddi Uwch Reoli (SMF), gan gynnwys y Prif Swyddog Gweithredol, gael eu hadnabod a'u cynnwys yn y cais.

Cyfeiriwyd at gamau nesaf y broses oedd yn cynnwys sefydlu Bwrdd gyda chynrychiolaeth o gyfranddalwyr (fydd yn cymryd lle'r Cydbwyllgor) ac yn ystod Haf 2025 bydd angen cofrestru'r cwmni gan sicrhau cydymffurfiaeth a gofynion yr FCA.

Ystyriwyd y byddai ffurfio IM Co. PPC yn gyfle unwaith mewn cenhedlaeth i greu Cwmni Buddsoddi CPLIL annibynnol er budd holl randdeiliaid y 22 awdurdod lleol yng Nghymru, fydd yn parhau i fuddsoddi ar gyfer ei aelodau a diogelu pensiynau CPLIL, a chael y cyfle hefyd i barhau â'i rôl yn buddsoddi'n lleol ledled Cymru a gweddill y DU, gan weithio gyda Chynghorau, Cydbwyllgorau Corfforaethol, Banc Datblygu Cymru, Banc

Busnes Prydain a Llywodraeth Cymru, gan hyrwyddo twf economaidd, darparu cyflogaeth, diogelu ynni glân a gwella seilwaith ehangach y wlad, er budd pobl Cymru.

Diolchwyd am yr adroddiad

Mewn ymateb i'r ymgynghoriad ac i drafodaethau ynglŷn â phenodi 'aelod annibynnol sydd wedi ei gymhwyso' ac os oedd hynny yn cyfeirio at aelod wedi ei gymhwyso mewn cyllid, nodwyd nad oedd manylion pellach wedi dod i law. Ategwyd er hynny y bydd rhaid i ddeiliaid rhai swyddi Uwch Swyddogaeth Rheoli, gan gynnwys y Prif Swyddog Gweithredol, gael eu henwi'n benodol o fewn y cais ffurfiol i'r FCA er mwyn i'r FCA wirio ac asesu eu bod yn addas i'r rôl.

Mewn ymateb i gwestiwn ynglŷn â chostau sefydlu cwmni, ac os oedd cyllideb a swydd ddisgrifiadau wedi eu cwblhau, nodwyd y bydd cyllideb o oddeutu £5 miliwn yn fwy na chostau presennol yn cael ei gosod. Nodwyd hefyd y bydd bwriad cyflogi 15 - 18 o swyddogion erbyn 1af o Ebrill 20026. Bydd mwy o fanylion yn cael eu rhannu fel bydd y broses yn symud ymlaen.

Mewn ymateb i sylw pam yr angen i addasu'r sefyllfa pan mae'r hyn sydd yn bodoli yn barod yn llwyddiannus, nodwyd bod y newid yn un sydd yn ymateb i ofynion Llywodraeth San Steffan ac nad oedd dewis yn y mater.

- Mynegwyd pryder a risg o golli arbenigedd Hymans
- Bod y costau gweinyddol yn llawer uwch na chostau presennol – y cyflogau yn debygol o fod tu hwnt i raddfeydd Llywodraeth Leol

Cynigiwyd ac eiliwyd argymell i'r Cyngor Llawn gymeradwyo Cyflwyniad CPLIL i'r Llywodraeth

PENDERFYNWYD:

Derbyn yr adroddiad.

Argymell i'r Cyngor Llawn (yn ei gyfarfod ar 3ydd Gorffennaf 2025):

1. **Nodi Achos busnes PPC Addas i'r Dyfodol (Atodiad 3, Atodiad 4 ac adran 4)**
2. **Cymeradwyo ffurfio endid corfforaethol sy'n berchnogaeth llwyr i Awdurdodau Gweinyddu PPC a fydd yn cael ei adnabod yn Gwmni Rheoli PPC (IMCo.) a'r holl gamau eraill sy'n angenrheidiol i gyflwyno cais i'r Awdurdod Ymddygiad Ariannol (FCA) ar gyfer awdurdodi'r IMCo. gan gynnwys ond heb fod yn gyfyngedig i ddewis a recriwtio Swyddogaethau Uwch Reolwyr (SMF) fel sy'n ofynnol gan yr FCA a pharatoi a chyflwyno'r cais i'r FCA. (Adran 5)**
3. **Cymeradwyo Cynllun Busnes a chyllideb ddiwygiedig PPC 2025/28 sy'n cynnwys costau dylunio/galluogi ar gyfer Prosiect yr Wyddfa (Atodiad 5 ac Adran 6) 5 - 10 11 - 27 28 - 124**
4. **Dirprwyo'r hawl i'r S151 mewn ymgynghoriad â Chadeirydd Pwyllgor y Gronfa Bensiwn i fwrw ymlaen gyda Prosiect Wyddfa gydag Awdurdodau Gweinyddu PPC yn unol ag amserlen y Llywodraeth o fewn y gyllideb gymeradwy.**
5. **Dirprwyo cymeradwyaeth derfynol y ddogfennaeth ffurfiol derfynol sy'n ofynnol ar gyfer gweithredu'r ImCo, a ddisgrifir fel 'Mynd yn Fyw' fel yr amlinellir yn Adran 7, i'r Pwyllgor Pensiynau roi effaith i Achos Busnes PPC Addas i'r Dyfodol.**

9. CYNHADLEDD CPLL 'POOLING SYMPOSIUM' 2025

Cafwyd diweddariad ar lafar gan y Cynghorydd Iwan Huws oedd wedi mynychu'r gynhadledd ym mis Mai 2025

Adroddwyd mai prif faes trafod y gynhadledd oedd pwlio gan ganolbwyntio ar sut mae pwlio cronfeydd awdurdodau lleol yn parhau i esblygu a beth fydd hyn yn golygu i'r dyfodol. Nodwyd bod yr amseriad yn ddiddorol o ystyried ymateb i'r Ymgynghoriad Addas i'r Dyfodol. Amlygwyd bod canmoliaeth gref i achos Busnes Cymru a llongyfarchwyd pawb oedd ynghlwm â'r gwaith gan fanylu ar y cydweithio da. Nodwyd bod y gynhadledd wedi bod yn gyfle da i fynychwyr rwydweithio a rhannu arferion gorau ynghyd a chyfle addysgol da i aelodau.

PENDERFYNWYD

Derbyn a nodi'r wybodaeth

10. CYNHADLEDD BUDDSODDI YNG NGHYMRU

Cafwyd diweddariad ar lafar gan y Cynghorydd Goronwy Edwards oedd wedi mynychu'r gynhadledd ym mis Ebrill 2025 ynghyd a'r Cyng Elin Hywel a'r Pennaeth Cyllid.

Nodwyd, er bod llawer o siarad am fuddsoddi yng Nghymru, ymddengys mai effaith gymdeithasol (social impact) oedd yn cael ei hyrwyddo yn hytrach na derbyn gwybodaeth lawn am gyfleoedd buddsoddi ariannol yng Nghymru. Cyfeiriwyd at gyfleoedd adfywio canol trefi ac adeiladu tai, ond yn bennaf cafwyd yr ymdeimlad bod Cymru yn wlad o fusnesau bach ac felly angen annog cefnogaeth i'r busnesau hyn i ddatblygu.

PENDERFYNWYD

Derbyn a nodi'r wybodaeth

Dechreuodd y cyfarfod am 14:30 a daeth i ben 15:15